

中國方志叢書·華中地方·第一〇一號

據

清·札隆阿等修程卓樑等纂
清·道光五年刊本


影印

江 西 省

宜黃縣志

(一)

成文出版社有限公司印行



10096889

中國方志叢書·華中地方·第一〇一號

據

清·札隆阿等修程卓樸等纂
清·道光五年刊本

影印


江 西 省

宜黃縣志

(二)

56-104/110

成文出版社有限公司印行



中華民國五十九年三月壹一版

宜黃縣志

全二冊

發行人：黃 成 助

出版者：成文出版社有限公司

台北郵政信箱二二六〇五號

台北郵政信箱二二六〇五號

台北市羅斯福路三段279之二號

電話：三三〇一三三二號

印刷者：東南印製廠有限公司

和平西路二段70巷83弄29號

內政部登記證內服台業字第一一四七號

道光五年增修

宜黃縣志

報功祠藏板

2104/10

重修宜黃縣志序

志於邑事無不當載一隅之故
實寰輿之廣大徵焉必也矢慎
矢公勿遺勿濫記注明而折衷
至當攬古者可以觀感為治者
有所取裁斯志之善者焉我

宜黃縣志

序

國家繼繩繩重熙累洽踐土
食毛之衆莫不涵泳
恩膏寸地尺天爭圖
王會况宜邑人文淵藪世號名
區財賦人民之所聚殖英資流
風之所漸被廣輪僅百餘里而

扶輿清淑之氣磅礴而鬱積抑
亦江右山水靈秀所都會也邑
舊有志始於前明宏治迄

國朝康熙五年已四修矣顧其
書既簡且訛不足以備典故迄
今百五十餘年之久曾無有踵

宜黃縣志

序

而嗣修者生齒蕃殖日盛於一
日幽光潛德年遠於一年淆雜
莫考漸遠漸微不有作者其何
以信今而傳後道光三年秋大
中丞程月川先生以江右通志
歷年久遠建議修輯乃檄郡邑

咸輯志書以脩通志採擇前令
札君爰諏諸紳耆設局纂修鄉
先生程任齋廉訪黃定軒農部
實主其事至網羅舊聞參互考
校則同事諸君子群力畢效以
相與有成閱二載余捧檄來宰

是邦而書始告歲頌余三復全
書而不禁慨然也夫志者史之
一體而其事視修史為尤難脩
史者編年紀事不嫌以潤色為
工而志則以其邑之人紀其邑
之事見聞不出鄉閭之近故貴

詳而不貴略也採訪不踰桑梓
之間故宜核而不宜泛也斯志
也矢慎矢公幽微必錄勿遺勿
濫文獻堪徵是不獨此邦人士
宜以前言徃行為法而因天時
乘地利順人情合土俗吏茲邑

者亦於是乎取資焉其有裨於
予之輟材承乏者豈淺鮮哉雖
然志成而定軒砌矣每覽遺文
未嘗不深老成典型之慕云是
為序
賜進士出身

教授文林郎宜黃縣知縣關中

史念徵謹序



宜黃縣志序

作史莫難於志難其詳難其核也縣志者通志之權輿也徵一邑之文獻備通志之採羅其紀載尤宜詳且志之體裁與史異史有勸有懲志則有勸而無懲名勝必紀懿美必揚幽潛必彰而事有可疑者不錄鄉閭耳目最近信今傳後且使臧者知興不臧者知愧豈即以勸為懲也一有不慎則群起而議之而可不核與宜邑志衆始於前明

宏治迄

國初康熙五年已酉修矣今道光
二年秋邑侯札公奉檄飭修
僉舉邑紳設局余與黃定軒農
部諸君檢閱舊志既簡且訛又隔
百五十餘年之久別無記錄可稽

宜黃縣志

序

烏崧而詳之亦烏從而核之夫稽
數百年莫稽之遺久書難信
而舉數百年必舉之曠典事在
焉疑定軒既力任其事余以養拙
與參其大凡纂集多能為役也
君子博羅羣書搜討名集凡有國

於邑之人物典故者悉精審採之

勿遺勿濫各鄉紳耆就近採訪
實跡殫洽見聞公酌體例審慎登
載庶足以補前志之闕文而增就
編之實紀矣或曰是書之成其詳
之宜矣其核者豈能盡恤人意乎

宜黃縣志

序

曰有體例在不容越也有公是在
不容私也各彈力以詳之持公論
以核之幸有完書將使後之視今
不猶今之視昔而已是役也定軒
農部三閱寒暑心目俱瘁諸君
分纂採輯提調核對均任其勞

故書其事以誌其難也 是為叙

道光四年甲申冬月

賜同進士出身通議大夫

恩賞花翎原任廣西按察使署廣
西布政使護理廣西學政邑人

程卓樑謹識

宜黃縣志

序

四



宜黃縣志總目

序二

舊序四

圖

凡例

修志姓氏

星野志

沿革志

形勢志

宜黃縣志

總目

城池志

山川志

水利志

學校志

署志

書院志

田賦志

風俗志

土產志

兵衛志

武事志

關津志

驛鹽志

古蹟志

封爵志

秩官志

選舉志

各宦志

宜黃縣志

人物志

寓賢志

列女志

仙釋志

方技志

祥異志

祠廟志

坐墓志

寺觀志

總目

二

藝文志

雜記志

後序二

宜黃縣志

總目

三

縣志舊序

鮑鳳桐城人

鳳承乏宜黃三年於茲簿書雜遫日不暇給思欲拯頽風而升大猷未知其方也一日郡伯大梁李公以公移徵邑志乃招諸生而訪之則曰茲邑入國朝未有志蓋茫然無以爲應既數日至郡公復申志事且詔之曰此百五十年之墜典汝其舉之鳳曰諾退而自訟曰先王列爵分職立外史以掌四方之志而九邱之書以類上下之事所以使臣盡職而獻忠者也邑無專志其何以資化理昔季札過魯以得考歷代之禮樂爲喜孔子言

黃縣志

舊序

憂殷之禮亦以文獻不足徵爲恨有民人焉有社稷焉修舉之責不在我乎徐而思之時世遠則事弗信事弗信則謗易興槐市陰成將有摘而議之者吾懼文勝之加我也復自解曰七病而三艾羨魚而結網猶爲可及失今不錄後將曷傳則又以語諸生諸生曰善哉郡伯公之意也亦我侯之意也請成之于是館諸生廖澄譚鐫輩於長春觀委以討論鳳則日往以相與上下其議論本之府志而覈其實焉參之碑刻而訂其眞焉詢之秀士而考其當焉采之父老而稽其信焉求之殘編斷

簡之中質之宗工鉅儒之集及國朝典章制度凡繫於大體者咸謹書之顧其聞見淺狹筆力猥庸其有無不足以關一邑之輕重是則不無愧焉耳雖然法天道則沿革分野之類具矣因地理則疆域山川之類著矣重民事則風俗戶口之類昭矣其爲事目凡二十有四要皆有資於化理者也稿成將梓之乃書其始末以報郡伯公之命亦因以自勵云嘉靖元年壬午八月鮑鳳記

宜黃縣志

舊序

縣志舊序

王尙廉嚴陵人

夫子稱文武之政布在方策方策列國皆有之周官小史外史所掌邦國四方之志是也志史也自侯統散而郡邑興今之邑卽古子男之國今邑之志卽古小國之史故各邑皆有志其來舊矣予承乏宜黃三年省身約已不遑暇逸庶幾農安於野士安於學賦歛時入稍從父老子弟講前人闕典改作

先師城隍兩廟暨諸城垣關隘築永豐一陂造舟爲梁濬川爲池爲是經始數役披閱圖志慨六十年來文獻

宜黃縣志

舊序

三

莫徵失今不修後將若何於是以禮延邑博陳先生民望楊先生一鑑羅先生岱鄉大夫劉鴻臚森譚郡守綵劉二守應明鄧大尹佑諸生鄒一璿鄒學貢徐沂李賓黃欽相與共事而於黃生濯纓屬筆焉自春徂秋凡八越月而編摩始就經之以三綱緯之以三十八目合之爲十二卷讀天文四志則庖犧箕疇之遺意而天戒可謹已讀地理十志則禹貢職方之規模而經理之方施爲之序可概已讀人道二十四志則小史外史所紀載之緒餘而前哲典壘聲名文物可睹已至若事闕教化

悉取一邑大義行之而一毫已私弗與焉蓋史貴賾貴質而病於無文斯志出而後彬彬質有其文矣惜乎史氏之體裁而僅施於一邑也毘陵唐應德謂貨殖傳乃洒肆簿帳纔經太史公手筆便是絕大文字後六十年復有續史公之緒者乎萬鑑之寶願付玉人斯無負良工之苦心也已萬曆辛卯季秋王尙廉識

宜黃縣志

舊序

四

宜黃縣志序

臨川李來泰

志者國史之權輿邑志則郡志之權輿也周禮職方氏掌天下之圖而又有小史掌邦國之志有外史掌四方之志一州二十五子百男之治闕一焉不可以國夫志亦猶是已弇州有言史之失在略志之得在詳至以邑之詳補郡之略是亦各有取義也宜黃舊有鮑王二志文獻稍備中復缺軼者垂百年矣頃大府劉公有郡志之役旁徵各邑於是雲翥九侯首奉成書以告夫宜之受地肇自南唐歷數百年而風教益盛蔚然衡於上國

宜黃縣志

舊序

五

山川炳靈在郡皆得而書之遠而樂子正之譔述近若譚襄敏之勲名揆之史冊未易僂指名賢接武茲茲不絕志中名實謹嚴一準郡乘無汎舉者足稱信史已乃所獨詳者惟田賦一事余反覆其義而歎九侯愛民之周諸君子爲桑土計至深且切也宜自分地至今地不改闢也其賦積五倍而贏譚董二公述之備矣明嘉靖中以南新科重均派各邑近瑞州諸縣特奉命輪減免宜邑未敢援例請者則以輕齋久有成命耳鄰民覲輕齋之名而不察重科之實文移往復再四未已是志爲

表爲紀爲續志懲前毖後蓋有不得不詳者唐魏之憂思曹鄴之勞苦皆有之非特志成事而已夫志之難也民間有疾苦而上則忽之長吏有科條而下則疑之如是者皆不可以志諸君子又爲余言往者條編未行宜之私賦倍於公自侯至而遵奉成書歲省金錢無算休養生息吾宜其有豸乎志成且大書之爲百世利可也若是皆郡志所不及詳特爲表而出之抑余所重歎者樂氏文成數萬幾奪元龜廣記之長而簡編散軼宋史藝文僅存其目司馬經略南北功不在威寧新建下格

宜黃縣志

舊序

六

於承平僅與中謚行間之秘策內府之勲書無得而竊書者紀載之大志與史固當互有詳略也異日者博徵郡縣以備東觀之筆削鄧侯之圖籍子雲之方言並爲職志則此書其未可廢也

康熙甲辰仲冬郡人李來泰書

重修宜黃縣志序

尤稗章

予承乏宜黃三年矣簿書之暇時與諸紳士談文稽古一日披縣志前有鮑公鳳所修繼有邑人黃濯纓所纂自萬厯辛卯至今鼎定以來凡七十三年中間湮沒不彰者何可勝道續而補之殆予之責也今年仲夏府主劉以纂修郡志爲言欲搜羅邑乘以成一郡之全書甚盛心也予惟今日之志卽他日之史也志博採以備稽史執要而章信故紀賢才錄詞翰備縣治學宮之沿革著官師舉貢之年表田賦戶役之必詳歲時災異之必

宜黃縣志

舊序

七

謹旁及山川題咏附見仙釋雜述以數卷之書盡一邑之事微言大義入目瞭然豈徒補綴之工云爾哉昔班固受嗤於得金陳壽蒙惡於借米苟非其人具三長而去五難烏足與簪筆而從事耶爰與紳士僉議推之得七人焉歐陽子斗炤也允熙也黃子士光也鄧子官賢也羅子士宏也涂子國盟也柏也予寬爲之期而諸君乃日急其事溽暑篝燈午夜熒熒閱兩月遂告成焉矢公矢慎亦至約至該先旻府主具條教來謂微事宜博敷文貴簡又以天啓後所纂諸志失之冗雜一以宏治

嘉靖年間之志爲式於是恪遵成議復偕劉子進參酌

其間前者可刪則刪之後者可補則補之分類臚列義例井如書成予不揣一言爲引曰撫之六邑宜黃非歎臨金邑乘之光固盡章章矣有如樂氏一家之著述司馬譚公之勲名杜子野之清節吳履政之文翰前賢蔚起接武良多名宦則鄧公昌朝之創學楊侯淮之建城皆足垂譽於無窮矣若乃風俗則士習農耕安於故常形勝則鳳岡獅石堪入圖畫自宋開寶建縣迨我

皇清今日七百餘年之間若聚同堂而接同日若躬歷

宜黃縣志

舊序

八

其地目涉其事無不首肯而心俞也昔之稱作史者實錄之後爰有會要故縣志惟在於據實實則詞簡而事亦不遺茲志無異於信史庶幾堪垂不朽云康熙三年甲辰之秋知宜黃縣事晉水尤稗章題

繪圖

宜黃縣志

圖

疆域全圖



宜黃縣志

圖

縣城圖





聖學考署合圖

宜黃縣志

圖

五



鳳岡書院

宜黃縣志

圖

六

